

Lëtzebuerg, den 21. Januar 2022

Här Fernand ETGEN  
Chamberspräsident  
LËTZEBUERG



DEMOKRATESCH  
PARTEI

Chambre des Députés  
Groupe Parlementaire

Här President,

Esou ewéi den Artikel 80 vum Chambersreglement et virgesäit, biede mir Iech, dës parlamentaresch Fro un d'Madamm Inneministeschesch weiderzeleeden:

*„D'Unité de Support Psychologique ass am Joer 1997 als Pilotprojet gestart. 2004 krut si eng legal Basis, an de Groupe de Support Psychologique (« GSP ») ass ënnert der Administration des services de secours gegrënnt ginn. Nieft der Betreuung vu Rettungsdéngschter, Affer oder Zeie vun Accidenter, de betraffene Familljen oder concernéierte Persounen, kënnst dës Ekippe och bei groussen Katastrophen an aneren Tëscheffäll an den Asaz. Esou zum Beispill 1997 beim Zuchongléck zu Hollerech oder am Joer 2000 bei der Geiselnam an engem Foyer du jour zu Waasserbëlleg. All Persounen déi vun esou Virfäll betraff sinn, gi vum Groupe de Support Psychologique ënnerstëtzt.*

*An deem Kader wëlle mir der Madamm Inneministeschesch folgend Froe stellen:*

- Wéi vill Fräiwëlleger sinn den Ament beim Groupe de Support Psychologique engagéiert?*
- Wéi vill Asätz hat de GSP iwwert déi lescht 5 Joer ?*
- Sinn d'Ekippe vum GSP och bei de groussen Iwwerschwemmungen vun 2021 zum Asaz komm?*
- Gi Membere vum GSP agesat fir d'Police an hirer Aarbecht bei de Covid-Manifestatiounen ze ënnerstëtzen?*
- Huet d'Covid Kris d'Demande fir Hëllef duerch de GSP ze kréien verstärkt?*
- Gëtt de GSP och vu Privatleit kontaktéiert, oder gëtt de Groupe prinzipiell iwwer d'Servicer vum CGDIS organiséiert?“*

Mat déiwem Respekt,

Claude LAMBERTY  
Deputéierten

Max HAHN  
Deputéierten

9, rue du St. Esprit  
B.P. 510  
L-2015 Luxembourg

Tel. : 22 41 84 1  
Fax : 47 10 07

dp@dp.lu  
www.dp.lu